



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Suadet Colegium Germanicum Romæ fundandum.

urn:nbn:de:hbz:466:1-41515

1573.
Magnificus Ca-
nisius à Grego-
rio XIII.

Pius iussu le-
gationem obit.

Et in Urbem
venit.

Sedet Colle-
gium Germani-
cum Roma
fundandum:

iterum Pontificis iussu. Quippe anno 1573. Gre-
gorius XIII. qui priore anno Pontifici Pio Quin-
to successerat, suscepta omni ope subleuāda Ger-
mania, perbenignè scripsit velle se desiderij sui
adiutorem Canisium esse, cuius sciret quantum
ad eam rem industria, & sapientia valeret: iussitq;
literis complecti, quæ in eum usum idonea iudi-
caret. Iamq; bonam lucubrationem confecerat
Pater, cum literis nouis admonetur, ut ipsius Pó-
tificis nomine certa mādata perferat ad Ferdinā-
dum Archiducem, ad Albertum Ducem Bauarū,
ad Salisburensem Archiepiscopū: adhęc Hæreti-
corum voluminum, quæ ad refutandum oppor-
tuna essent, bonum numerum comparet, mit-
tatq; in Vrbem, tum ipsem et accedat. Corame-
nim melius de morbis earum regionum, curan-
diue ratione, quam per Commentarium actum
iri. Obita igitur legatione per Germaniam, quæ
iniuncta erat, ceterisq; perfunctus mandatis, pri-
mo vere Romam accessit. Hic inter cetera, quæ
sapienter pro Germaniæ religione in medium
contulit, autor fuit Pontifici, ut Collegia, & Con-
tubernia excitaret multæ Germanorum soboli
in pietate, ac literis educandæ: vnde velut è semi-
nariis

nariis docti, piq; Sacerdotes, ac verbi diuini Prædicatores, & Pastores animarū educerentur. Cen-
*Et alia similia
in prouincia.*
suit autem non Romæ tantum, sed in Germania quoq; contubernia illa excitari oportere: in quibus multi libentius, vtpote non tam procul domo, aliquanto etiam germanico mori congruentius, quam ipsa in Vrbe possent institui. Atque his maximè consiliis effectū est, vt tam luculentum Romæ Collegium Germanorum, tamque multa per septentrionem eiusmodi propugnacula vindex Religionis acerrimus Gregorius Pōtifex collocarit. Habita sunt eodem tempore sublato iam ex humanis Francisco Borgia Societatis Comitia Romæ ad sufficiendū Præpositum Generalem: suffectusq; est Euerardus Mercurianus. Quibus Comitiis tametsi cum suffragij iure Ca-

*Comitiorum
societas cuius
legitur.*

nisius non interfuit, custodiæ tamē præfuit Conclavis, vbi sunt habita: quę non nisi spectatæ fidei viris procuratio demandatur. Porro sancta in Vrbe, cum tam multa sint priscæ sanctitatis monumenta, tam etiam & multa, & præclara exercenda priuatim, ac publicè siue religionis, siue misericordiæ instituta, ac domicilia, in his adeundis, cognoscendisque studiosè versabatur Canisius.

o

Nam